

h. 117, 12

II n
2037

Super Aduentu Cæsaris C A R O L I V.
D. Iustini Gobleri Goarini, Carmen
gratulatorium.

Eiusdem de Bello in T V R C A M su-
mendo, Exhortatorium,

Epithalamion item, super Connubio Ernesti
Comitis ab H E N N E N B E R G, &
Elisæ Principis B R V N-
S V I C E N S I S.

Anno Christi M. D. XLIII.



Faint, illegible text on aged, stained paper, possibly bleed-through from the reverse side of the page.



Justinus de Cæsare C A R A L O V.

Quem temere è uiuis subductum liuor aiebat,
Expectate diu C A R O L E diue uenis,
Germani incolumem fausto te numine gaudent
Seruatum: quare nunc sile liuor iners,
Idem sis Cæsar, tamen es mutatus ab illo,
Gandauij nuper qui mihi uisus eras,
Scilicet heu terris multum iactatus & alto,
Actua perpessa est tristitia damna ratis.
Viue, tuosq; precor cunctis sis uictor in hostes,
Gensq; maligna armis cedat ubiq; tuis.

In Aduentum Diui C A R O L I V.

Imperatoris Acclamatio Doctoris Iu

stini Gobleri Goarini I V.

R E C O N S V L T I.

O quibus excipiet te nunc Germania uerbis?
O quam dilectus Carole diue redis?
Nunc erit, heu longo fuerat quæ tempore discors,
Auspicijs concors Teutona terra tuis.
Inuida te terris sublatum turba ferebat:
Dixi, mentiris Zoile, uiuit adhuc.
Viuit adhuc, tibi si rumpantur ut ilia Codro,
Viuit adhuc, audis? plus quoq; uiuet adhuc.
Ergo tuos iterum nunc fortiter ibis in hostes,
Vnde tibi multus Diue triumphus erit.
At tu Galle tuis opibus uanissimè turgens,
Cæsaris inuicti robore fracte cades.

a ij

Irridere Aquilam cessabis, denique uictrix,
Te simul & pullos deuoret illa tuos.
Turcicus in nostras furor haud grassabitur oras,
Et Marte & coeptis Carole diue tuis:
Degener at fugiet nunquam rediturus ad Istri
Barbarus aduentu Cæsaris hostis aquas.
Ergo te incolumem nobis pia numina seruent,
Et dent ut facilis undique uictor eas.

De Bello suscipiendo contra T V R C A M,
ad G E R M A N O S Exhortatio
Doctoris Iustini Gobleri Goari-
ni, I V R E C O N-
S V L T I,

Cessatum satis est, nunc nunc exurgite ciues,
Ferte laboranti suppetias patriæ.
Imperium si quo Germanum tempore cura
Unquam habuit, summa nunc habet illud opus.
Cessatum satis est ciues, iam Pannonas acer
In uestro pulsat limine Turca fores.
Non est temnendus hostis, mihi credite, cuius
Cognita iam pridem uis uiolenta fuit,
Germanis sæuo domitis qui Marte minatur
Ferreæ captura uincula ferre manu.
Dedecoris si uos pudet ullius, ut pudet omnis,
Non patriam quisquam deseruisse uelit.
Amplius haud proprio defœdet sanguine dextras,
Bellaque Ciuili mota furore gerat.

Sed FERDINANDVM, & fratrem meliora monentes,
Audire Imperij culmina tanta decet,
Si uitam retinere placet, patriamq; tueri,
Extremam & lapsis addere rebus opem:
Vertite in immanes felici numine Turcas,
Qui modo Pannonicis gentibus arma parant,
Rursus & Austriacas bellum meditantur ad oras
Marte subacturi Teutona Regna suo.
Ergo alacres hosti uenienti occurrite ciues,
Ante fores uestras qui modo dirus adest,
Dirus adest, fortes non non concedite ciues
Ut ferat externum Teutona terra iugum.
Quid? iuga non tantum ueniens seruilia uestris,
Sed gladium iugulis impositurus erat.
Quare agite immanem de uestris sedibus hostem
In sua pugnaces stringite colla manus.
Turcia GERMANAS nunc sentiat impia uires,
Caesareumq; ferat Turcia capta iugum.
Nec libeat uobis cessare, sed arma parate,
Arma quibus tandem Turca, Getaeq; cadant.

Illustris ac Generosi Principis Georgij Ernesti,
Comitis ac Domini ab HENNEBERG &c.
& illustris Elysaë, Ducis BRUNSVICEN-
SIS, & Luneburgensis &c. EPITHALAM-
MION, Doctore Iustino Goblero Goarino,
IURECONSULTO Autore.
Cum iam connubijs tempus felicibus adsit,
Et tibi nunc resonet tota Hymeneë domus:

a iij

Vt lætæ surgant ista ad solennia plebes,
Quæ resonent clarum compare uoce thorum:
Vnum me ex omni numero inter gaudia tanta
Quamlibet absentem non siluisse decet,
Quin ego felici gratabor carmine tædæ,
Exoptans thalamo sidera fausta nouo:
Actibi prælustri sponso, illustriq; puellæ
Mollia pro ueteri carmina more canam.
Ergo me uestra Musæ bonitate iuuetis,
Vt ferre hæc digno carmine festa queam.
Arx sua contiguas sublimis spectat in undas,
Dicta, iacens inter flumina, Munda, duo.
Arx simul & urbs hæc non ampla, sed alta, sub ipsis
Montibus & syluis undiq; cincta, sita est.
Claruit hic quondam Brunsiugum stemmate princeps
Ericus patriæ, militiæq; decus:
Extera magnanimum quem belli & Teutona tellus
Vidit ouans animis, læticiaq; Ducem.
Belgæ uictorem de se dixere feroces,
Indomitas Phrysiæ contudit orbis opes.
Ipsius auxilio seruatus Cæsar ab ictu
Quo læsus quondam Maxmilianus erat,
Nuper Marchiacæ cui foedere iuncta iugali
Grande decus gentis Elisabeta fuit.
Quæ pietate etiam sanctas Heroïdas æquat,
Huius & eximium temporis una decus.
Nec probitate sua prior est aut Hectoris uxor,
Aut comes extincto Laodameia uiro.
Hac modo pulchra uenit tibi uirgo ab origine sponso


Erneſte ad thalamos edita Elyſſa tuos,
Filia nec forma matri, nec moribus impar,
Coniuge nec qua te dignior ulla fuit,
Quem licet exornet uetus & generoſa propago
Hennenbergiadum nobile ſtemma Ducum,
Diceris & geſtis belli certamine rebus
Nuper in immanes fortiter iſſe Getas.
Non minor hæc ſponſo tamen eſt te gentis alumna
Brunſuige, proauis filia clara ſuis.
Iſta marita tibi dulces pulcherrima natos,
Mille uoluptates, gaudia mille dabit,
Quàm nunc læta tuis gaudebit Francia tædis,
Spargentur nitidis atria tota roſis.
Scilicet optatæ monſtrant ſua gaudia ſponſæ,
Nobilitas omnis, foemineus q̄ chorus,
Hæc ubi iam coram licuiſſet cernere feſta,
Laudaſſem numeris aptius iſta meis.
Ergo precor, rectum qui primus ſeuit amorem
Cordibus humanis, foedera ſacra, Deus,
Quiq̄ pio iunxit iuuenilia corpora nexu,
Is iungat ſtabili pectora ueſtra fide.
Vt pater ingenuæ prolis ſis ſponſe Georgi,
Poſtquæ ſuos menſes mater Elyſſa noua.
Atq̄ ita uos liceat longos benè uiuere in annos,
Multaq̄ concordis gaudia ferre thori.

QK T 4 2037

74 2122

20





B.I.G.

Farbkarte #13



II n
2037

CAROLI V.
arini, Carmen
ium.

TVRCAM su-
ortatorium,

per Connubio Ernesti
NENBERG, &
is BRVN-
NSIS.

M. D. XLIII.

THECA
AVIANA

UNIVERSITÄTS-BIBLIOTHEK
HALLE
(HALLE)

